

SÉTIMA.- O incumprimento das obrigas derivadas do presente convenio dará lugar a súa resolución. A vixencia do presente convenio será dende 13 de marzo de 2016 ate o 18 de marzo de 2016, data na que rematará o curso, sen prexuízo de prorrogar o dito período en virtude de causa debidamente xustificada. No obstante dentro dos tres meses seguintes á finalización das xornadas, a Deputación poderá comprobar o cumprimento deste convenio e das obrigas derivadas do mesmo.

OITAVA.- A resolución dos conflitos que puideran xurdir con motivo do presente convenio corresponderán á xurisdición contencioso-administrativa. Para a resolución das dúbidas ou lagoas que puidesen xurdir na súa interpretación estarase ao disposto no Texto refundido da Lei de contratos do sector público, aprobado por Decreto Lexislativo 3/2011, de 14 de novembro.

NOVENA.- Son cláusulas de resolución do presente convenio:

* O seu incumprimento total ou parcial.

*O transcurso do tempo estipulado sen que se cumpran os obxectivos previstos, agás causa debidamente xustificada.

Faise constar que o presente convenio foi aprobado por Resolución da Presidencia número 5306 de data 8 de marzo de 2016.

E en proba de conformidade asinan o presente convenio, por cuadruplicado exemplar, no lugar e data indicados no encabezamento.

Pola Deputación Provincial da Coruña

Asdo.: Xesús M. Soto Vivero

Cargo: Deputado Provincial

Pola Universidade da Coruña

Asdo.: Julio E. Abalde Alonso

Cargo: Reitor da UDC



DEPUTACIÓN PROVINCIAL
A CORUÑA
SERVIZO DE PATRIMONIO
E CONTRATACION



Número 36/2016

DE COLABORACIÓN ENTRE A EXCMA. DEPUTACIÓN PROVINCIAL DE A CORUÑA E A UNIVERSIDADE DA CORUÑA PARA COLABORAR NA CELEBRACIÓN DAS IX XORNADAS DE DEREITO ADMINISTRATIVO IBEROAMERICANO: “Contratación, Ordenación do territorio e boa administración”

Na Coruña a 9 de marzo de 2016

REUNIDOS

Dunha parte D. Xesús Manuel Soto Vivero, Deputado de Patrimonio, Contratación e Equipamento, en virtude da Resolución da Presidencia número 15671 de 27 de xullo de 2015 modificada pola número 16642 de 30 de xullo de 2015, pola que se lle delega competencia para asinar convenios da súa área, e

O D. Julio E. Abalde Alonso, reitor da Universidade da Coruña, con sede na rúa da Maestranza 9, 15001 A Coruña, e CIF Q6550005J. Actúa en nome e representación da institución citada, no uso das atribucións que lle confire o art. 36.1.f) dos seus Estatutos, aprobados polo Decreto 101/2004, do 13 de maio, da Xunta de Galicia (DOG n.º 100, do 26 de maio), modificado polo Decreto 194/2007, do 11 de outubro (DOG n.º 201, do 17 de outubro), que outorga ao reitor a facultade para asinar convenios en nome da Universidade da Coruña.

MANIFESTAN

PRIMEIRO.- Que a Universidade da Coruña é unha entidade que leva a cabo actividades de docencia e desenvolvemento xurídico, e ten como un dos seus fins,

a formación de profesionais e especialistas en materias que afectan ó dereito administrativo comparado.

SEGUNDO.- Que a Deputación de A Coruña, é unha entidade de dereito local, que ten, entre outros fins, o fomento dos intereses da provincia, e os temas vencellados co eido local e a formación nos mesmos.

TERCEIRO.- Que a Universidade de A Coruña e a Deputación Provincial consideran que a cooperación cos países iberoamericanos, é un obxectivo estratéxico fundamental dadas as tradicionais relacións existentes, así como a formación de profesionais especialistas que posibiliten o desenvolvemento de este ámbito territorial con gran capacidade de futuro. Por iso, estimase conveniente a actuación conxunta para levar a cabo este curso.

Que ambas partes se recoñecen mutua capacidade para a subscrición do presente convenio conforme ás seguintes:

CLÁUSULAS

PRIMEIRA.- O obxecto do presente convenio é regular as bases da colaboración entre a Universidade da Coruña (en adiante UDC) e a Deputación de A Coruña, para o desenvolvemento das IX Xornadas de Dereito Administrativo Iberoamericano: "Contratación, Ordenación do territorio e boa administración", dirixidas aos expertos procedentes de Universidades Iberoamericanas que se conteñen no programa anexo.

O devandito curso organizase polo Catedrático da UDC, D. Jaime Rodríguez Arana-Muñoz.

SEGUNDA.- A UDC, en aplicación deste convenio comprométese ademais da organización e dirección das xornadas a:

- * Proporcionar o profesorado do Curso
- * Suministrar os materiais didácticos do Curso.
- * Expedir os títulos correspondentes.
- * Organizar o transporte dos alumnos.
- * Entregarlle á Deputación da Coruña unha copia do material didáctico empregado.

* Facer constar a cooperación da Deputación da Coruña, en toda a información que se difunda sobre o Curso, tanto nos medios de comunicación como no material informativo e pedagóxico que se puidera distribuir.

* O presente convenio non devengará abrigas económicas para a UDC, polo que non se fará precisa a consignación dunha partida presupostaria.

TERCEIRA.- A Deputación da Coruña como entidade patrocinadora do curso comprométese a facilitar aos 60 asistentes á xornada aloxamento e manutención nas instalacións do Pazo de Mariñán, así como a dispoñibilidade das instalacións para a impartición das xornadas, mentres dure o devandito curso do 13 de marzo ao de 19 de marzo de 2016 ambos inclusive, conforme ao establecido na ordenanza n° 14 Reguladora do Prezo público do Pazo de Mariñán, cuxa última modificación foi publicada no BOP n° 238, de 16 de decembro de 2013.

CUARTA.- A aportación da Deputación, como entidade patrocinadora, consistirá na cesión gratuita de aulas no Pazo de Mariñán como sede para o desenrolo da actividade, así como o aloxamento e manutención dos alumnos que veñan participar nas xornadas (tendo en conta así mesmo o día de entrada e o de partida).

Ademais colaborará coa Universidade para a impartición das xornadas co material necesario para os asistentes as xornadas: carpetas, bolígrafos, etc., cun coste aproximado de 700 euros.

A previsión do gasto ascende a cantidade máxima de 33.212,45 euros -cálculo efectuado de conformidade coa ordenanza N° 14 Reguladora do Prezo Público do Pazo de Mariñán para o ano 2016, publicada no BOP número 238, de 16 de decembro de 2013.

QUINTA.- Para o seguimento de control do cumprimento do presente convenio constituirase unha comisión integrada por un representante de cada unha das institucións asinantes.

SEXTA.- O profesorado que interveña nos traballos obxecto do presente convenio quedará sometido ao disposto no artigo 58 dos Estatutos da Universidade da Coruña e ao disposto nos regulamentos de desenvolvemento.